

Cofnodion Cyfarfod Cyngor Cymuned Llanddeiniolen 6ed Fehefin 2023

Croeso a Gweddi Rhoddwyd Croeso gan Y Cadeirydd, a gair o weddi gan Idris Thomas.

Cydymdeimlwyd yn ddiffuant iawn gyda Gareth Griffiths yn ei brofedigaeth o golli ei fam yn ystod yr wythnosau diwethaf.

Croeso arbennig hefyd i Gareth Hughes, sydd wedi ei ethol yn gynghorydd dros Fethel. Mi fydd Gareth hefyd yn ein cynrychioli ar Lywodraethwyr yr Ysgol ym Methel.

Presennol - Y Cadeirydd Jane Pierce ynghyd a'r Cynghorwyr, Sasha Williams, Gareth Hughes, Elwyn Jones, Idris Thomas, Emma Chappell, Dawn Parry, Ellen George a Gareth Griffiths.

Croesawyd Y Cynghorydd Berwyn Parry Jones

Ymddiheuriadau - Phyllis Ellis, Ynyr Parri, Rhian Evans-Hill, Lowri Ann James

Datgan Buddiant - Dim

Cofnodion Cyfarfod 2ail Fai 2023

Cafwyd y Cofnodion yn gywir:

Elwyn Jones (1)

Idris Thomas (2)

Materion o'r Cofnodion

Aelod ar Lywodraethwyr Ysgol Gwaun Gynfi - Penodwyd a chytunodd Dawn Parry I gynrychioli'r Cyngor Cymuned ar y Llywodraethwyr.

Bin Sbwriel Marchlyn - Derbyniwyd llythyr o Gyngor Gwynedd yn ymateb i'n cais am fin yn y man uchod. Nodwyd fod Cyngor Gwynedd yn wylidwrus o osod bin yma gan y basa'n denu problemau o waredu anghyfreithlon, ond i ddweud y gwir dyna sydd yn digwydd yno ar hyn o bryd, gan fod yna ddim bin i neb roi eu sbwriel. Mae cyngor Gwynedd am fonitro'r safle yn y cyfamser. Awgrymwyd I yrru llythyr yn ôl yn nodi fod wir angen bin yno a hwnnw yn cael ei wagio yn rheolaidd, gan fod neb yn mynd oddi yno gyda'u hysbwriel, a baw ci yn y car yr holl ffordd adref.

Motorhomes Allt Ddu a Dinorwig - Derbyniwyd ymateb yn datgan fod y Cyngor yn ymweld â'r safle o bryd i'w gilydd ac yn cadw llygaid. Nid ydynt wedi dod o hyd i dystiolaeth fod yno faw dynol yn cael ei waredu yno. Mae'r Cyngor hefyd wedi cynnig cyflwyno cyfyngiadau parcio yno, ond oherwydd nifer gwrthwynebiadau a godwyd yn erbyn hyn, ni pharhawyd a'r cynllun. Mae cynllun peilot 'Arosfan' yn cael ei dreialu'r Haf hwn, ac edrychir fel bod yr un sydd yn Llanberis bron yn barod. Cawn weld sut effaith caiff hyn os unrhyw dros fisoedd yr Haf.

Gohebiaeth a Materion Eraill

Bin Lon Mynydd Rhiwlas - Derbyniwyd cais i ofyn am fin ar lon mynydd Rhiwlas gan fod pobl yn rhoi baw ci mewn biniau tai. Os oes bin yn cael ei gadw ar y ffordd, yna mae gan unrhyw berson hawl i roi sbwriel yn y bin. Awgrymwyd ymateb gan ofyn iddynt gadw eu bin tu mewn i giât y tai.

Swyddog Cefnogi Cymunedau - Derbyniwyd llythyr gan Rhian George I'n hysbysu ei bod yn newid swydd a Mark Gahan fydd y Swyddog Newydd yn Fro Peris.

Datblygiad Stad gyferbyn a Cremlyn - Yn dilyn cais gan Cadnant ynglŷn â llecyn agored i blant chwarae yn sgil y datblygiad, penderfynwyd cysylltu gydag adran cynllunio i ofyn beth yw'r canllawiau yn gywir gyda rhodd i'r gymuned.

Mynwent Macpela - Derbyniwyd sawl cwyn ynglŷn ac ymddygiad gôr cymdeithasol cnewyllyn bychan o'r gymuned sydd yn ymgynnull ym mynwent Macpela Deiniolen. Mae yn ymddangos fod yna bobl ifanc yn yfed, miwsig yn uchel, rhegi, poteli wedi eu torri yn fwriadol ar y llwybrau, pacedi creision ayyb ym mhob man. Yna mae yna griw ifengach yn reidio eu beics yno erbyn hyn hefyd. Mae pobl sydd yn ymweld â beddi eu harwylid, neu yn cerdded trwy lwybr y fynwent yn teimlo yn frawychus. Gwyddom fod y llythyrau yma wedi cael eu gyrru i'r heddlu, a bydd Y Cyngor yng nghyd weithio yn agos gyda'r heddlu. Awgrymwyd I'r clerc ysgrifennu i bennaeth mynwentydd Cyngor Gwynedd I ddatgan ein pryderon ynglŷn a'r sefyllfa yma, ac i weld os oes unrhyw syniad am ddatrysiaid i'r mater ymhellach.

Clybiau Ieuenctid Deiniolen a Bethel - Derbyniwyd llythyr o'r adran yn Gyngor Gwynedd, ac rydym eisoes wedi cytuno i gyllido darpariaeth Clybiau Ieuenctid unwaith eto eleni. Byddwn yng nghyd weithio gydag Arweinydd Gwaith Ieuenctid Cymunedol, Siôn Bryn, I gael Arweinwyr I gynnal y nosweithiau.

Cofrestru Tir Neuadd Rhiwlas - Yn dilyn derbyn llythyr, y clerc i holi am y wybodaeth berthnasol bellach sydd ei angen.

Cynllunio

Derbyniwyd y ceisiadau canlynol:

C23/0348/18/DT, 41 Rhydfadog, Deiniolen

Dymchwel yr estyniad presennol a chodi estyniad Newydd ar gyfer Cegin, Lolfa ac Ystafell Ymolchi. Dim Gwrthwynebiad

C23/0259/18/AM Camelot, Penisar-waun

Cais amlinellol ar gyfer 4 annedd preswyl arfaethedig. Dim Gwrthwynebiad

Llwybrau

Gwaith wedi cychwyn ar ambell lwybr yn yr ardal, felly, efallai gwelwch ambell lwybr wedi cau dros dro tra mae'r Gwaith yn mynd rhagddo. Mae'r Gwaith blynyddol o dorri gordyfiant ar y llwybrau ar waith hefyd.

Awdit Mewnol a Ffurflen Flynyddol 2022

Derbyniwyd y ffurflen ac adroddiad o'r awdit mewnol yn ôl. Yr unig bwynt a godwyd gan yr archwilydd mewnol oedd, nad oedd taliadau o £6 yn ychwanegol i gynghorwyr ddim yn dod i rym tan y flwyddyn nesaf.

Cymeradwyed y Ffurflen Flynyddol yn unfrydol o'r flwyddyn a ddaeth i ben ar y 31ain Mawrth 2023. Diolchwyd i'r clerc am ei gwaith, a bydd nawr yn paratoi a gyrru'r gwaith ymlaen i Awdit Cymru. Gan fod y Cyngor Cymuned yn derbyn archwiliad cyflawn eleni, bydd rhaid disgwyl ymhellach am gyfarwyddid o ddogfennau archwilio a fydd angen gan Awdit Cymru.

O Gwmpas y Bwrdd

Biniau Deiniolen - Tynnwyd sylw fod biniau wedi eu gosod yn y pentref, ond maent lawer rhy agos at ei gilydd ar y stryd fawr o'r ysgol ymlaen am Rhydfadog. Ond nid oes dim wedi eu gosod lawr ffordd hafod Olau, na Ffordd Deiniol a dim un yng Nghlwt y Bont. Hefyd, mae'r 2 bin Baw ci rhy agos at ei gilydd ar lon Garnedd, neu fod angen un ychwanegol yn ben lôn Garnedd.

Pwyllgor Apêl Eisteddfod Genedlaethol - Braint yw cael cyhoeddi fod yr apêl wedi cyrraedd ei darged yn ardal Llanddeiniolen. Diolch yn fawr iawn i bawb sydd wedi cyfrannu mewn unrhyw ffordd i allu cyrraedd y nod yma unwaith eto.

Arwydd Dim Loriau Trwm ger garej Arfon - Nid oes dim arwydd wedi ei roi hyd yn hyn, ac mae loriau mawr dal yn mynd i fyny'r lôn yma, ac yna cael trafferth methu dod yn ôl i lawr. Y clerc i gysylltu unwaith eto.

Cadarnhau Taliadau:

641 - £758

642 - £534.11